

ETHICA CHRISTIANA

AUTHORE,

FAVSTO VERANTIO,

Episcopo Canadiensi.

AD ERUDITVM LECTOREM.

Non tibi scribimus hæc, docte Vir, sed nostri similibus. Habes multos mayorum gentium authores, qui tuam sitim explere possint. Hæc parva parvis relinque, quibus ad illos magnos, non patet aditus. Vale.



NIMIA Hominis duas habet Facultates præcipuas, Intellectũ scilicet & Voluntatem. Estq; persimilis Soli, cui natura tribuit lucem ac calorem. Intellectus quidem Luci, Voluntas Calori cõparari potest. Intellectus Scientiis, Voluntas Virtutibus perficitur. Scientiarum apex Fides Christiana est, Virtutum aut Charitas. Fides cognoscit Veritatem, Charitas cõplectitur Bonitatem. Ambæ simul sociatæ, reddunt Hominem Sapientem, Sanctum, ac Beatum. Et quamvis omnes Homines, Substantiâ Animæ, Deo conditori suo sint similes, ad imaginem enim suam fecit eos: attamen pauci sunt qui ipso Habitu, id est, Virtute, Sanctitate & Innocentiâ, ei similes esse studeant: sicq; miseri ultimo suo fine, ad quem creati sunt, sese defraudant. Nos Sacrosanctæ

Fides

Fidei nostram steris nunc omisſis; de altera tantum parte, de Charitate nimirum, hoc est, de Christiani hominis Officiis, Moribus, seu Virtutibus hic breviter diſſerere inſtituimus.

Ac in primis tria genera Virtutum in Homine reperimus. Primum est earum, quæ nobis congenita sunt, uti Ovi esse Mitem; Leoni Magnanimum, Turturi Castam. Alterius generis sunt; quæ studio seu assuetudine comparantur: uti in feris videre est, quando hominum industria mansueſcunt, ac varia præter suam naturam faciunt. Tertium genus Virtutum illud est, quod præter naturam, & industriam humanam, maximo Dei beneficio Hominibus confertur. Et licet, ea quoque animi dotes, quæ nobis à natura sunt indita, & quæ usu, aut diligentia sunt à nobis acquisita (quandoquidem sunt quadam bona) sint Dei munera, Omne enim bonum, à Deo omnium bonorum fonte emanat: nihilominus tamen hæc tertii generis Virtutes, quæ propriæ ac peculiare sunt Christianorum, per excellentiam Virtutes, ac dona Dei maxima, merito dicuntur & sunt. Nam præsidio earum, illud summum bonum quod quarimus, consequimur. De primo genere, satis multa Phisici; de secundo Ethici, Ethnicorum Philosophi tractarunt: nos, utpote Christiani, de hiis verè divinis Virtutibus, ipsius Divinitatis numine invocato; paucis pro modulo nostro agemus.

Virtutes itaque Morales Christiani hominis, sunt quidam Habitus Voluntatis, ad benè operandum, à Deo quidem maximo suo munere inditi ac soti, ab ipso verò Homine promptè excepti & exculti, ad gloriam in primis eiusdem Dei, deinde verò ipsius Hominis summam felicitatem directi, &c.

Virtutis generaliter sumpta synonyma hæc sunt: Vis, Charitas, Iustitia, Fortitudo, Bonitas, Boni mores, Bona opera, Amor boni, Odium mali, Sanctitas, Lex Dei, Regnum, Libertas, Spiritus, Pax, Novus homo, Mortificatio, Exercitatio, Obedientia, Renunciatio, Abnegatio sui, Crux, Contemptus Mundi, Impassibilitas, Puritas cordis, &c. Ex adverso Vitium est, quod Peccatum, Concupiscentia, Iniquitas, Mala opera, Opera carnis, Mali fructus,

fructus; Caro, Servitus: sed & aliis vocabulis passim in Sacra Scriptura nominatur.

Virtus in primis rectè, ni fallor, Vis denominatur. De eà enim Dominus dicere videtur: Regnum Dei vim patitur. & violenti rapiunt illud. Hoc est, qui naturæ suæ corruptæ, in contrarium nitenti, vim asserunt, neque voluntati carnis cedunt, Hi se ipsos vicisse, seque supra se extulisse dicuntur. Id verò maius longè est, quàm multas gentes debellasse, variasque provincias de vicisse. Hoc potuit facere Alexander ille Magnus, illud verò non potuit: constat enim eum Superbia, Gulæ, Ira, aliisque Vitiis succubuisse.

Quod autem Charitas, pro omni genere Virtutum summatur: plura testimonia habemus. Primo quidem Dominus ipse in iis duobus mandatis, quæ de Dei & Proximi Dilectione agunt, totam Legem, omnesque Prophetas pendere testatur. Deinde D. Ioannes Evangelista, non aliud in senectute extrema, per singulas collectas, discipulis suis inculcasse perhibetur, quàm hæc pauca verba: Filioli diligite alterutrum. Rogatus quare non aliud præciperet, sed idem semper ingeminaret, respondit; Quia præceptum Domini est, & si solum fiat, sufficit. D. Augustinus in quadam sua epistola scribit, Charitatem includere in se omnes virtutes Cardinales. Gregorius magnus dicit, omne mandatum de sola Dilectione esse, & omnia præcepta unum esse. D. Paulus ait, eum qui proximū Diligit, legem implevisse. Item non adulterare, non occidere, non furari, & alia omnia legis præcepta, in hoc solo verbo instaurari; Diliges proximum tuum. Alio verò loco, Charitas inquit, patiens est; benigna est, Charitas non emulatur, non agit perperam, non inflatur, non est ambitiosa, non querit quæ sua sunt, non irritatur; non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet. Quibus locis clarè videre est, Charitatem ad instar omnium Virtutum esse, eamque omnium earum genera in se continere.

Ex adverso hæc eadem Virtus, est quoddam Odium sui, ac suorum, imo omnium eorum, quæ in Mundo sunt. At verò hoc Odium,

Odiū, bonū sanctūq; Odiū est, de quo Dominus: Qui Odiū animam suam in hoc Mundo, in vitam aeternam custodit eam, & qui amat animam suam perdet eam. Item; Qui non Odiū patrem suū, & matrem suam, fratres, sorores, uxorem, ac liberos suos, quin & animam suam; non potest esse meus discipulus. Hic verò Dominus non intendit, natura cuius ipse sator est, intertere ordinem, & cuius instinctu nos ipsos, nostrosq; amare impellimur, quem Amorem Graeci propriè Storgin vocant. Verū alterum illum Amorem praeposterum inhibet, quem ydem Graeci Philastiam dicunt, quā nos seu nostros; non eo modo quo deici Diligimus, quā nempe magis corporis, quā animi, hoc est tēporanea magis, quā aeterna bona diligimus, & consecretamur.

Iustitiā itidem pro universali Virtute, in divinis Scripturis usurpari cōspicimus, quando multos, quos omni genere Virtutū ornatos fuisse cōstat, viros Iustos ac timoratos appellat. Sed & vulgare proverbium est, Iustitiā in se Virtutes continere omnes. Non loquimur hic de ea Iustitia, qua quis in aliorum controversiis dirimendis, Iustus est; ea enim particularis quēdam Virtus est, ac in homine iniusto quoq; atq; tyranno inesse potest, & magis Politica quā Ethica dici debet. Sed eam intelligimus, quē in omnibus rebus, illud quod decorum ac honestum, Iustumq; est, tam erga se quā alios, verbis ac factis, uti oportet exequitur.

Hanc eandem Virtutem universalem, non incongruè Fortitudinem dici posse existimamus, desumpta a corpore similitudine. Nam quod in corpore Fortitudo, hoc in animo Virtus est; Et uti is qui viribus pollet, Fortis dicitur; ita is qui Virtutibus est peditus. In sacris Proverbiis, Mulier studiosa, Fortis; Vir itidem Bonus, Fortis dicitur, neque hęc ea est Fortitudo quam alii circa corporis labores doloresq; perferendos, vel etiam ipsam mortem in bello pro patria alacriter subeundam versari dicunt. Hęc enim particularis, & uti ipsimet describunt, Militaris est, habetque pro suo fine, gloriam huius vitę. Nos aliam patriam, aliam gloriam inquirimus; Nam quamvis corpore in terra hac simus positi, conversatio tamen nostra, in cælis esse debet,

debet, & idè Fortitudinem Christianam, in omnibus huius vi-
rè, vel placitis devitandis, vel duris pro gloria Dei, & nostra
salute sustinendis, constituimus.

Species Virtutum maxime communes, tres numeramus. Ea-
rum prima, uti nos Christiani loquimur, est Humilitas, altera
Castitas, tertia Paupertas. Ethnici primam quidem Modestiam,
secundam Temperantiam, tertiam Liberalitatem dixerunt. No-
stra tamen hæc vocabula aptiora videntur, quamvis neutra ea-
rum naturam satis expriment: at quum magis propria non ha-
beamus, Definitionibus illas suis describemus, si prius huius Di-
visionis rationem reddiderimus. Eam nos Sacra Scriptura,
& Ecclesia autoritate, deinde ipsa ratione fulcimus. Nam D.
in primis Ioannes Evangelista aperte affirmat: Omne id quod
est in Mundo, aut concupiscentiam Carnis, aut concupiscentiam
Oculorum, aut vita Superbiam esse. Item in Sacra Historia, tri-
bus modis Christus Dominus à Diabolo tentatus esse dicitur.
Idem Dominus in quadam parabola, tria hominum genera de-
scribit, qui Villis, Bobusque emendis, ac Vxoribus ducendis occu-
pati, ad illud Divinum epulum venire neglexerunt. His tribus
tentationibus, ac tribus hominum generibus, hæc tres Virtutes,
ac tria adversa Vitia, à S. Patribus nostris designari audivimus.
Præterea in Ecclesia, ii qui se Deo totos devovent, atque perfe-
ctissimum genus vitæ profitentur, quum initiantur, prius tria
illa solennia vota faciunt. Obedientiæ, Castitatis, & Paupertatis,
& sub hiis vocabulis, omne genus Virtutis promittunt. Hæc
sufficiant pro autoritate: Rationem autem sumimus ab obiectis
earundem Virtutum, seu Vitiatorum. Ea sunt tria, nempe Ani-
mus, Corpus, ac Res externa: Circa quæ versantur, Honor Vo-
luptas, & Utilitas, in quibus homines terreni Felicitatem suam
constituunt, eaque inter summa bona numerant. In hiis pecca-
tur, Ambitione, Luxuria, & Avaritia. Contra hæc monstra,
militant Humilitas, Castitas, & Paupertas Christianorum, id
est Hominum Cælestium, quas paulo superius posuimus, nunc
rigitur de singulis earum, suo ordine dicamus.

De Humilitate.

65

Humilitas est Virtus, quæ facit ut Homo modeste, ac modice de seipso sentiat. Est inquam contemptus Honoris.

Humilitatis Species tot possunt numerari, quos sunt Materie, circa quas versatur. Et vero sunt eadem, quas paulo antea recensuimus, nempe Bona Animi, Corporis, & Facultatum. Quæ quidem singula, uno respectu singulis supra dictis Virtutibus propriè subiecta sunt, uti iam diximus, ac in posterum quoque clarius dicemus: alio vero respectu, huic uni subijciuntur. Bona itaque Animi sunt Scientia, Eruditio, varia Artes, denique Nobilitas, Dignitas, Potentia, &c. Bona Corporis, Sanitas, Robur, Agilitas, Pulchritudo, &c. Bona Externa sunt, præciosa suppellex, Laus, fundia, Aurum, Argentum, & cetera quæ hys æstimantur. Quæ si Superbus habeat, insolenscit, effertur, reliquos præ se contemnit, nihil æstimat, ab omnibus sibi honorem deberi putat, neque sese intra cancellos Modestæ continere potest. Si non habeat, habere simulat foris, intus miserum se reputat, ideoque habentibus invidet. Sed est & aliud quoque genus Bonorum Animi, de quibus plerique vani homines Superbiunt, ut sunt Sanctitas vitæ, Innocentia, atque ea ipsa de qua loquimur Humilitas: Non quod illa vera, sed tantum externa, in hys sibi placent, & ab alijs magni fieri volunt. Hi sunt Hypocritæ, hocque genus Superbiæ seu Ambitionis, nimium præposterum atque perniciosum est.

Vir autem Humilis, constanter sese in his omnibus gerit: purum enim oculum à pulvere habens, considerant naturam harum rerum, non eas illo modulo metitur quo vulgus hominum: nihil se boni habere, quod non acceperit cognoscit, itaque non ea propria sua virtute acquisivisse, sed Dei dono accepisse: se pulverem ac cinerem, ipsius solius gloriam & honorem esse, sibi autem, propter varia scelera quæ commisit, confusionem faciei deberi. Hæc animi submissione, gratiam apud Deum & homines, verumque Honorem adipiscitur, ac ventam anteactorem delictorum consequitur, uti in parabola illa Pharisei & Publicani nobis proponitur. Ultra enumeratas Species Humilitatis, quas ex obiectis accepimus, sunt aliæ, quæ secundum Modos earum distinguuntur, uti sunt Obedientia, Reverentia, Humanitas, Taci-

turnitas, Mansuetudo, Patientia, Bonitas, Affabilitas, & similes, quas singulas describere si pervacaneum existimamus, nunc parum ab invicem differunt.

At præter Species Virtutum ac Vitiarum, necessarium est etiam Gradus quosdam in eis considerare; quibus de Minore Virtute, ad Mayorem ejusdem Speciei ascendimus, & ex adverso à minore Vitio ad enormius, nisi cauti simus prolabimur. Hos Gradus, certo aliqua ordine ac numero recensere, perdifficile fuerit, primum tamen ac ultimum dari posse existimamus.

In Humilitate quidem sit primus Gradus, tanti se facere, quantum quisque est, ad quod Ethnici dicunt, Se ipsam noscere; id est, se unum de numero mortalium agnoscere, neque omnium pessimum, neque omnium optimum. Eos Honores, ac Dignitates admittere, quibus rectè à ratione, ac lege Divina distantes, parem se esse judicat. Supremus autem gradus est, omnium semortalium postremum, ac per ipsum reparare, ideoque oblato etiam Honores fugere, vilissima quoque munia obire, falsis criminationibus de se factis conivere, suas Virtutes abscondere, Vicia fateri, illatis ignominie gestire. Qualia nostra Religionis candidiores fecisse legimus, qui gaudentes à conspectu concilii discedebant, quando digni habiti erant, pro nomine Christi contumeliam pati. Infra primum Gradum, & virtutis descendere Vitiarum est, quoque magis descenditur, tanto magis: in prima Gradu consistere, Divinum præceptum est; aliis vero quo quis possit evadere, Evangelicum Consilium est.

Castitas est Virtus, coercens Hominem à Corporis Voluptatibus, ac castiganda dicta.

Species Castitatis, enumerata sunt, quæ ejus subiecta, nempe quæ in tot emissa sunt Sensus Corporis. Ab illis cebris igitur Sensus abstinens, Castum, Continentemque appellamus. Intelligimus autem Sobrium, Vigilantem, Temperatum, Pudicum, &c. Et tamen adhuc vocabulis destituuntur, quibus eos quoque homines comprehendimus, qui Sonaxum, Colorum, & rerum Pulchrarum usu abstinens, hoc est, Nasum, Aurium, ac Oculorum oblectamentis. Nam & in his peccatur, at magis Gustum, quando quis vide-
licet

licet præter modum, cibo vel potui indulget. Verùm omnium, maxime delinquitur sensu Tactus, rebus nempe Veneris, quod in hoc tota genere, est turpissimum atq. gravissimum. Quum enim omnium reliquorum Sensuum iste infimus sit, est tanquam sentina quedam, in quam decolant omnia paulo antea enumerata Corpus Vitia. Lascivia Species ab authoribus, nunc quidem secundum diversos Gradus Statuum & affinitatis, nunc vero secundum varios ejus Modos numerantur. Castimonia autem tres Species ponunt Theologi, Conjugalem, Vidualem, & Virginealem.

Vir igitur Castus & Continens, considerans se quidem corpore Brutis, animo verò beatis ac immortalibus illis Spiritibus, atq. adèo Deo Optimo Maximo esse similem: quantum potest satagit, se ab omni carnis labe mundum præstare, atque solas veras ac solidas Voluptates spirituales sectatur. Luxuriosus autem nihil se supra reliquas animantes attollens, huic limbo immersus, vanis ac fædis corporis titillationibus indulget, quibus non solum eam partem sui nobilissimam, qua præcipue Homo est; sed etiam ipsum corpus cui studet, nimium stultè offendit, enervat, destruit.

Gradus Castitatis, quemadmodum & Humilitatis, sunt plurimi, nos primum ac ultimum notabimus. Primus est, concessis Corporis Voluptatibus, moderatè uti: supremus fame, siti, aeris intemperie, vigilijs, laboribus, solitudine, alijsq. ejusmodi incommodis, & conflictationibus, Corpus edomare, & in servitutem rationis redigere, uti Eremitæ faciebant. Præterea alia etiam mala ejus generis, ab alijs hominibus, vel ab ipso Deo immediate illata, æquo imò libenti animo tollerare, hoc est morbos, vincula, verbera, vulnera, mortem denique quamcunq. acerbissimam, pro Dei gloria, vel hominum salute subire, quod innuos Christi Martyres fecisse novimus.

Paupertas tertia Virtus animi est, qua modum rebus habendis statuiamus: est inquam contemptus Opum.

Species Paupertatis tot quidem possent constitui, quot earum rerum species sunt, de quibus Homines Pauperes, vel Divites esse

denominantur : ut sunt pecora, vinum, frumentum, agri, & similia. At quum omnia ista sub una Pecunia cōprehendi possint; nō plures diversa Species Paupertatis, sed una magis propriè dicenda erit. Pauperem autem hoc loco, non eam intelligimus, qui vel conditione, vel aliquo infortunio, sed electione propria, ac consilio talis est, huic huius Virtutis palmam deferimus. Talis Pauper ab una quidem parte mente perpendens, quàm paucis natura humana, ad sui sustentationem indigeat, quàm brevi tempore nobis his rebus utendum, quàm benignum Patrem in cælis habeamus; qui nostri maiorem curam habeat quàm Parentes terreni habere possint. Ab altera verò, quantis curis, laboribus, periculisq; corporis atq; animi, divitiæ acquirantur, conserventur quanta fomenta omnibus Vitijs subministrant : generosa atq; alia mente eas despicit, fastidit, contentus necessarijs, sua Frugalitate delectatur, id quod superest in indigentes liberaliter dispergit, hacque ratione maximos sibi thesauros, qui non possint auferri, comparat. Avarus ex adverso, sive timens ne sibi aliquando necessaria vita deficiant, sive perspicuens Pecuniam ad obtinendos honores, & quasvunque voluptates presentaneam esse; maximi boni loco eam habet, & uti quæpiam Deum colit, ideoq. omni industria, periculo, labore, dolo, vi eas habere, & in immensum augere satagit, nihil pensi habens, quo iure, quave iniuria id fiat. Errogare autem, vel amittere, non minus, quàm mortem ipsam horret; ideo debita si quæ habet, etiam si sit solvendo, tamen in longum protrahit, suppressit, vel quantum potest præcidit, laborantibus necessitate non compatitur, non largitur, quemadmodum dives ille, Epuloin Evangelio descriptus faciebat. Sed præter hæc, aliud quoque genus Avaritiæ est, idque valde præposterum : nam cum contrariis sibi Vitiis, id est, Prodigalitate coniunctum est, quando aliena avidè auferuntur, & eadem deinde luxuriosè profunduntur.

Paupertatis Gradus hi statui possunt : Primus sit nemini quicquam debere, absq. aliena iniuria acquisita possidere, atq. etiam augere : at sine magna anxietate id facere, & extremis

necessitate laborantibus, pro facultate subvenire. Ultimus vero Gradus erit, sua omnia ad cultum Dei, Hominumq; necessitates, magna Charitate, magnoq; animo profundere, si ei vi vel fraude sua auferantur, non litigare, non contradicere, sed cum gaudio potius sustinere, labore manuum suarum, sibi necessaria comparare. Tales nimirum illud sibi dictum intelligunt: Habentes victum & vestitum, his contenti sitis. Item; Si vis esse perfectus, vade & vende omnia quae habes, & da pauperibus, & habebis thesaurum in caelis. Ad hos Paulus loquitur, cum dicit: Fratres cum sitis ipsi sapientes, libenter sufferitis insipientes, sustinetis enim, si quis vos in faciem cadit, si quis vobis vestra auferit, &c.

His verè divinis Virtutibus innumeri Christianorum hactenus excelluerunt, atque etiam nunc sunt, qui in eis cum laude exercentur. Itaque nulla ab orbe condito, tam sancta & tam perfecta Religio fuit, sed neque esse potest, atq; hac nostra est. Haec tres Virtutes, vera Fide & Charitate parentibus orta, reliquarum omnium genitrices sunt: his enim universa de Moribus seu Officiis doctrina, omnia Christiana legis Praecepta, quae passim in Sacra Scriptura habentur, quasi quodam fasciculo comprehenduntur. Earum symbolum est Cruc Christi Domini vivifica: Ipse enim in ea summam Paupertatem expressit, quando vestimentis suis, quae sola in bonis habebat, spoliatus fuit: summam Ignominiam, quando medius inter duos latrones appensus est: summam denique corporis Dolorem, quando accerbissimam mortem mirabili patientia pertulit, quin & pro peccatoribus suis oravit. His Virtutibus Dominum colimus, eiq; dignum omnium rerum nostrarum, ac nostri ipsius holocaustum offerimus. His Homines complectimur, quando nempe eis Existimationis, Corporis, ac Rerum commoda, quatenus licet ac decet, Dei intuitu procuramus. Magis autem adhuc aliquid praestamus, quum haec caduca, eos non plurisquam sunt, estimare cupimus, & quantum in nobis est, etiam procuramus. Non enim sufficit Viro Bono, ut ipse solus his Virtutibus praeditus sit, sed ad eum illud etiam spectat, ut omnes quos p f

sit,

sit, precipue autem illos, qui sua fidei crediti sunt, iisdem imbuendos ac perficiendos, omni studio curet. Quomodo enim quis verè Humilis, Castus, aut Pauper erit, qui has Virtutes se habere aueat, alio statim Elatus, Luxuriosus, & Avarus esse, e quo animo ferat, & quatenus patet non prohibeat? Hoc illud Vnum est, quod Dominus omnibus necessarium esse dicit: hic ille thesaurus absconditus est, ab oculis amatorum Mundi huius: hac illa preciosa Margarita, quam prudens mercator omnibus rebus suis venditis, & distractis emit. Haec Honores Ambire, has Voluptates Concupiscere, & his Diuitiis conquirendis Avarum esse, verè honestum, utile, & iucundum est. Qui has tres Virtutes possidet, ille veros Honores, veras Voluptates, veras denique Diuitias, hic per spem iam habet, in altera autem vita, paulo post re ipsa habebit; ille omni terreno Rege, vel Philosopho beator, ille superis potestatibus admirabilis, Deo denique Optimo Maximo similis est.

His Virtutibus tria illa turpissima Vitia contraria sunt, Superbia nimirum, Luxuria, & Avaritia, è quibus uti ex quibusdam putidissimis fontibus, omnes reliquæ Vitiarum sordes promanant, uti sunt Rixæ, Calumniæ, Fraudes, Adulationes, Ira, Invidiæ, Insidiæ, Veneficia, Furta, Maledicta, Blasphemie, Homicidia, & sexcenta alia, quibus maxima pars hominum imbuta est; Virtutibus autem de quibus hætenus locuti sumus (hec) minima. Sunt multi, qui in medio horum consistunt, hoc est partim quibusdam Virtutibus ornat, partim verò Vitiis infecti, hii à Prophetâ tepidi vocantur, ideoque per vomitum eiciendi. De his dicitur, quod modicum fermentum, totam massam Virtutum corrumpit, & qui in uno peccat omnium Reus est. Tales non ineptè Navi cuiuspiam possunt assimilari, quæ licet nova, benè compacta, ac pice oblita sit; modo unum minimum foveæ mix habeat, neque absqueatur, procul dubio brevi subsidet, & ad ima dehiscet. Ita uno Vicio animi, nisi tollatur, totus thesaurus Virtutum deperit, laborque susceptus irritus redditur. Non dicimus hic Hominem, natura fragilem, ab omni se prorsus pulvere peccati purum, dum in hac terra peregrinatur, quam-

his sollicitum ac diligentem servare posse; hoc enim solis beatis illis Spiritibus concessum est. At sat agendum est, ut quantum fieri potest, non coinquinetur, & postquam coinquinatus fuerit, omni studio se purgare studeat, si in illa beatorum patriam pervenire velit, quo nihil coinquinatum inferri potest. Neque id omnino necessarium esse existimamus, ut quis in omnium Virtutum apicibus consistat, hoc enim vix cuiquam datum est, at in aliqua praeeminere multis, Moysi quidem mansuetudine, Iosepho castitate, Iob patientia, &c. Sufficit ad salutem, ut singularum istorum Virtutum, aliquam saltem partem quis habeat, & intra limites Divinae legis sese contineat.

Si has tres Virtutes ad invicem comparare velimus: non est dubium, quin ceteris paribus, Humilitas primum locum dignitatis obtineat, secundum Castitas, tertium Paupertas. Quando enim animus corpore nobilior & praestantior est, corpus verò externis rebus: tanto & affectiones earum inter se collatae, praestantiores erunt. Res quippe externae corpori deserviunt, corpus animo. Hoc quòd dicimus, Dominus in ea parabola delineavit, quae de Phariseo & Publicano est. Non enim illi castigatio corporis, non rerum suarum religiosa dispensatio tantum profuit: quantum huic, omnibus his praesidiis destituito, quin praeterea procul dubio furto aliisque vitijs deformato, sola animi demissio. Sic Mater quoque Domini, non ob paupertatem profecto, quàm patientissime, licet Regio stemmate orta, ferebat, non ob nitorem Virginitatis, quam Deo prima mortalium, nullo ad id usque tempus exemplo precedente, devoverat, atque pra omnibus quoque posteris eximiam habuit: verum ob suam singularem Humilitatem, seu animi demissionem, se Deo in primis gratam acceptamque fuisse, magna mentis exultatione cecinit, eoque nomine ab omnibus futuris generationibus, beatam se fore predicandam prophetavit. Haud dubio eo evedita, super omnes choros Angelorum, unde Lucifer ille, ob enormem mentis elationem, ad ima inferni princeps fuerat deurbatus. Quod una Virtus aliã licet specie differentem adjuvet, hoc est, qui unam tenet, alteram facilius consequatur: nem-

si dubium esse debet: sunt enim sorores germanæ, atque idcirco mutuo nexu sese complectuntur. Itaque is qui Paupertatem colit studiosè, certum est quod facilius adducetur, ut corpus à luxu contineat, quin & jejuniis aliisque afflictionibus domet, quàm is qui divitiis abundat. Ita deinceps ipsa corporis castigatio, insolentiam, & elationem animi egregie cohibet. Ex adverso Opes, occasionem maximam, tam luxui quàm fastui præbent, sunt enim, ut quidam dixit, irritamenta omnium malorum.

Effectus seu exercitia harum trium Virtutum præcipua hæc sunt: Humilitatis quidem supplex ad Deum Oratio; Castitatis vero Jejuniū, id est severitas quædam ergo proprium corpus: Paupertatis, eleemosina seu liberalitas erga proximum. Hæc triplex observantia, omnium Virtutum comprehendit effectus, ut D. Leo Papa ait, sermone 1. de Teiunio mensis 7. Oratio ad Deum tunc est perfecta, quum omnes animi facultates, nempe Memoria, Intellectus, & Voluntas, quoad fieri potest in Deum intenduntur. Id autem fit commodè, quando abdicatis & ad partem positis, omnibus Honorum, Voluptatum, Facultatumq; curis, in contemplationem rerum diuinarum mentē elevamus. Hoc Dominus innuebat, quando, ne crapula & curis hujus sæculi nos gravaremus, præcipiebat. Sed & D. Augustinus, ab Angelo doctus, Teiunium, & Eleemosynam duas esse alas, quibus elevata Oratio facile ad cælum evolat, hancq; nostram esse Christianitatem testatur. Qua vero ratione sit Teiunandum, & qua Eleemosyna facienda: hoc Dominus ac Magister noster, referente D. Matthæo Evangelistâ, divinè docuit.

Passiones animæ irrationalis seu sensitivæ, duæ sunt præcipuæ (ut nunc loquuntur) Concupiscentia, & Irascibilitas, hoc est, Amor & Odium. Ex his prosunt Spes, Timor, Laetitia, Dolor, Audacia, Pusillanimitas, aliæq; hujusmodi affectiones. Hæ sunt quædam vehicula, tam Virtutum, quàm Vitiolorum, prout quis eis bene vel male utitur. Hæc Epictetus intraens, duas partes cuiusq; Vitæ constituit, quarum alteram, Bonorum hujus vitæ Abstinenciam, seu Continentiam nominavit, ad compescendam nempe partem animæ concupiscibilem idoneam:

alte-

Alteram uero Sustinentiam, Patientiam seu Tolerantiam, eorum utpotè Malorumque nobis euenire possunt, quæ circa animæ partem Irascibilem versatur. Illius prioris in prosperis, huius in aduersis usus est: illa simpliciter Virtus, hæc per excellentiam Fortitudo, Indolentia, Magnanimitas, ac Heroica Virtus merito vocabitur. Vir enim simplici Virtute præditus, abstinet ab immodicis honoribus, delicijs, & opibus: At Fortis, Magnanimus, & Heroicus, hæc omnia supergreditur, ac magis extrema egestate, ignominijs, varijsq; corporis incommodis, pro Deo susceptis gaudet, quàm alius, quàm exquisitissimis Mundi illæcebris delibutus est, ideoq; verè Heroicus, Diuinusq; est.

Hanc Virtutem Heroicam Aristoteles, licet multa de ea scripserit, non tamen agnovit, sicuti nec ceteras Virtutes. Nec mirum, verum enim Hominis Finē, veramq; Felicitatē, ad quam Virtutes hominem deducunt, ignorabat. Ponit deinde Fortitudinem & Temperantiam, pro duobus fontibus ceterarum Virtutum, quarum deinceps undecim numerat Species, nempe Liberalitatem, Magnificentiam, Magnanimitatem, Honorum cupiditatem, Mansuetudinem, Veritatem, Urbanitatem, Amicitiam, Verecundiam, Distributionem honorum, & Iustitiam. Quia ratione, quavè Methodo, non assequor; quædam enim earum Virtutes, quædam Vitia, quædam autem ex his, scilicet seu dubiæ Virtutes sunt.

Dubias Virtutes voco, quæ aliquando quidem Virtutes scilicet, aliquando autem Vitia esse possunt. Id ab intentione & fine ejus, qui eis utitur pendet. Nam exempli gratia, si quis sit patiens, urbanus, sustinens, mansuetus, obediens, &c. eo fine ut hominibus blandiatur, sicque honores, voluptates, seu divitias aucupetur (quod sæpius contingit) quamvis hæc nomina sint per se speciosa, & Virtutes forinsecus esse videantur; re ipsa tamen erunt Vitia, eo quod non bono fundamento nitantur, neque rectum finem spectent. Ex adverso si quis talis sit, ut Deo placeat, ut æternam beatitudinem consequatur: is verè Studiosus erit. Vicissim Ira, Invidia, aliæque huiusmodi affectiones, licet prima fronte plerumque Vitia esse videantur; si, ut nihilo-

minus aliquando Virtutes. Et quidem Ira vitium erit, sed
terrena bona plus eoque irascamur. & tunc semper Superbia est,
coniuncta, quamvis quandoque ab Avaritia, trahat suam ori-
ginem. Aliquando vero est Virtus, quum scilicet propter Dei
honorem, vel Hominum commodum, contra impios, praesertim no-
stra potestati subiectos, excandescimus, & vocatur a Graecis Ze-
lus. Hoc Zelo accensus Moyses Aegyptium occidit; hoc Phinees &
Matthathias laudabiliter usi sunt. Invidia vero tunc Virtus est
quum dolemus indignos ea bona habere, quae bonis debentur,
vel quae ipsam possessoribus noxia iudicamus, & dicitur
Nemesis.

Quid nos de Fortitudine sentiamus, iam aperuimus. Tempe-
rantiam dicimus esse Speciem Continentiae seu Castitatis gene-
raliter sumptae. Illa enim circa quosdam tantum Sensus versa-
tur, haec circa omnes. Urbanitas, Comitas, Eutrapelia, Affabi-
litas, & cetera eiusmodi, possunt quidem esse Virtutes Civiles
seu Naturales, at non Christianae, hoc est solidae. Enimvero po-
test quis esse perfectus, licet nullam ex iis habeat, sed contra sit
severus & tristis. Verecundia non est Virtus proprie dicta, sed
est passio quaedam laudabilis, ex Virtute proveniens. Iustitia
de qua ipse disputat, & Distributio honorum, sunt Vir-
tutes Politicae, ut in principio diximus, neque ad omnes
pertinent, sed ad eos tantum qui magistratus gerunt. Honoris
cupiditatem, quam ipse Virtutem appellat, nos Ambitionem, &
ideo non Virtutem, sed potius Vitium esse iudicamus, & quan-
dam animi imbecillitatem, eius qui non possit suo honore subsiste-
re, sed aliena honoratione fulciri velit. Veritas si pro Veritatis
cognitione sumatur, speculativa Virtus est, si pro Veritatis a-
more, est quidam plerumque quaedam Virtus moralis: ut autem
sit perfecta, ab una illarum trium quas pro fontibus ceterarum
posuimus, manare debet, & sic ab illa perficietur & denomina-
bitur. Verbi gratia, si quispiam sit inops vel ignobilis, seque ta-
tem esse lubens fateatur, verax ac veritatis amans est, at simul
etiam humilis & modestus, ac ideo Virtute praeditus erit, eo
quod se deprimat, suamque inopiam ac ignobilitatem fateri
non

non erubescat. Verum sepe saepius contingit, ut Veritas sit virtiosa, ideoque possessoribus noxia, quum videlicet malo fine, vel modo profertur: Hoc faciunt ii, qui suas Virtutes superbi jactant, & ii qui de Virtutibus suis gloriantur, quique aliorum secreta facta aut dicta, vel odio eorum; vel suo commodo propalant.

Amicitia de qua Aristoteles, Cicero, & alii multi Ethnicorum multa scripsere, eamq. miris modis extulere; itidem non est meo iudicio solida Virtus, sed quadam Naturalis similium societas, quam bratis quoque animalibus videmus inesse, & huiusmodi est amor agnatorum & gentilium. Hæc Amicitia est quædam umbra Charitatis Christianæ. Nam Charitas, illam infinitis modis præcellit, ob nobiliores suas causas & effectus. Illa sanguine, consuetudine, vel morum similitudine coalescit: aut in propriam plerumque commodum vel delectationem definit. Charitas autem Christiana, in primis quidæ erga bonos, & fidei domesticos se dilatat, postea verò erga malos etiam, & hostes ipsos, atque adeo erga totum humanum genus, gratuito extendit beneficentiam ac benevolentiam suam; non suam sed aliena commoda respicit, non tantum temporanea, sed magis eterna bona, quantum in se est omnibus procurat.

Magnanimitas non est aliqua separata ab alijs Virtus, sed, ut iam diximus, versatur circa apices omnium Virtutum. Is primus verè Magnanimus erit, qui summos Honores, magnas Voluptates, amplas Divitias contemnet: ex altera parte Opprobria, Corporis incommoda, Rerumq. suarum dispendia, magno animo suscipiet. Hoc ita esse, ipsa vocabuli interpretatio ostendit. Magnificencia verò, Munificencia, seu Liberalitas, circa Pecuniam, & ea quæ pecunia æstimantur, versantur, idè rectè ad Paupertatis Virtutem, de qua superius egimus, referri possunt. Hanc Magnificentiam Ethnici, plerumque in Prodigalitatem convertebant. Sic Reges Aegyptii insanis sumptibus Pyramides suas exstruebant: Sic Alexander ille Magnus, multa talenta, mediocribus hominibus largiebatur: sic Romani Imperatores magna vi pecunie, Circos, Theatra, Thermas exedificabant, congiariaq. populo ut

placerent largiebantur. Hacque ratione splendidi ac Magnifici, Liberales, Munifici, Magnanimique à vulgo reputabantur, & ipsa autē Prodigii erant. Nā in res inutiles, imo noxias, Aurū sudore ac sanguine populorū congestū, profunderāt. Huiusmodi expensa a Christianis in Tēpla ac alia eiusmodi, quę ad Dei cultū pertinet, ritē fieri possunt, si necessitas Pauperum non impediatur: eo enim casu, etiam sacra suppellex distrahenda suadetur. At vera Magnificentia Christiana (sicut & Magnanimitas) non semper in exteriori opere apparet; Virtus enim in animo est. Magnus inquam erit, Magnanimus, ac Magnificus, & Admirabilis, qui eaque vulgus hominum magni estimat, ille nihili facit, de quo Sapiens: Beatus inquit vir, qui post aurum non abiit, fecit enim mirabilia in vita sua. Munifica erat Vidua illa Sareptana, quę modicum farine, & olei quod habebat, posthabita suā filiūq. salute, Elia Prophetę promptē obtulit. Magnifici erant Apostoli, licet parvi momenti bona propter Christum reliquerint. Magni item animi erat illa altera vidua, quę duo tantum ara in Gazophiliū intulit, licet aliis plura yecerint. Plus enim ille dat, qui licet modicum det, dat totum quod habet; quā alius, qui quamvis multa det, multo tamen plura pro se retinet.

Tam Prudentia, non tam est Virtus aliqua, ab aliis separata, quāmodus quidam, mensura, norma, seu regula omnium Virtutum. Ne quid nimis, videlicet, ne quid minus quā oportet fiat. Prudentia enim munus est suggerere & prescribere, quid in quaquā quando, quantum, & qualiter agendum sit. Hac Prudentia aliter Discretio ac Iudicium dicitur. In veteri lege, per Salem figurabatur, sine quo nullum sacrificium ritē offerri poterat: absq; Prudentia siquidem nulla Virtus perfecta est. Eam D. Paulus Scientiā vocat, cū de quibusdā loquitur, quos dicebat Zelū quidē erga Deū habere, sed nō secūdū Scientiā. Hac eadē Mediocritas rectē vocabitur, nō quidē illa, quā alii inter duo extrema vitia mediā Virtutē collocāt, multa etenim Virtutes sūt quę alterum extremū Vitiū non habent, præsertim apud Christianos. At nos illā intelligimus, quę inter naturalē Hominis infirmitatē, ac supremā Virtutū cacumina, hominē medium facit, hoc est, suadet cuiq. ut ad sūma quidē, maximo quo potest nisu, & quā fieri pōt proximē

proximè accedat, id est potiora charismata sectetur. At ex altera parte monet simul, maturè prius deliberat, viresq. suas experietur, ne impar postea ab opere desistat, & quòd perius est, de superiore gradu, maiore casu recadat. Hęc Prudētia, nō immeritò Divina ac cœlestis dici potest, divinos enim Deosq. simillimos Homines efficit. Nā alia est Prudētia seu Providentia humana, quæ circa huius vitæ cōmoda occupatur, & Prudentia carnis vocatur, estq. huic ex diametro cōtraria. Prudētia enim huius mūdi, apud Deū stultitia est; sicuti ex adverso Dei Sapiētia apud Mūdanos stultitia est; Dū illa honores, voluptates, opes, quærīt consecratur, ista spernit: illa afflictiones, signominias, detrimēta fugit, ista spontè suscipit. Perseverantia itidem, non est aliqua Species Virtutum; sed earum Affectio. Nam sicuti Prudētia, est rectus quidā modus Virtutum; ita Perseverantia est tēpus Virtutū, quo quilibet, qui Deo gratus ac beatus esse vult, in Virtutum exercitio perpetuo durare debet. Non enim qui incēpit, sed qui usq. in finem perseveraverit, saluus erit, eadem Constantia dicitur. Huic Perseverantiæ, alia affectio affinis est, quæ tamen in usu cōmuni, proprium nō habet nomen, sed potest dici Ascensio, Profectus, seu Aemulatio, quādo scilicet de Gradu inferiori alicuius Virtutis, ad altiorē conscendimus: & est nobilior precedēte. Si enim laudabile est nō retrōcedere, sed consistere & perseverare in Virtutibus; multo honorificētius est, de minori Virtute, ad maiorē Virtutē ascendere.

Sed & Pœnitētia Christiana, nō aliqua singularis Virtus est, at magis quēdā officina oīum Virtutū; Nihil .n. aliud est, quā quādā iteratio, ac cōpēsatio intermissarū Virtutū, Nā cū perpetuo bene agere, ac rectē nos gerere tēteamur, neq. id fecimus, sed in aliqua Vita prolapsi sumus: necesse est, ut deinceps maiori cōtēntione, ad operationē Virtutū accingamur, ac damna inde accepta, nō iam ordinario opere, sed maiore labore redintegremus, et ad illū stātū innocentie redeamus, in quo eramus, quādo sacro Baptismo abluti fuimus. Nisi .n. per hāc Pœnitētiā, de cōtractis p nos debitis, Deo omnīū bonorū largitori satisfecerimus; nequaquā ei grati esse poterimus. Et sicuti quispiā debitor, licet plura debita nō faciat, ea rōne tamen creditor nō satisfacit, nisi priora et exsolvat;



De Virtutibus.

Solvat; ita is qui Deum, vitiis suis operationibus offendit, non ei satisfacit ad plenum, si in posterum non offendat; nisi etiam priora Malefacta, æquivalentibus vel maioribus Benefactis compẽ set. Sic omnes reliquæ Virtutes Morales, vel sunt Afflictiones harum trium, vel sunt Species earum, & sunt innumera.

Homo Virtute præditus, optimè à Domino, bonæ ac fructifera Arbori comparatur. Nam quod in Arbore insitio, hoc in homine baptisma: quod in Arbore humor, hoc in homine Virtus; quod in Arbore fructus, hoc in homine sunt operationes Virtutum. Et quemadmodum Arbori fructifera ac viva, semper ille vigor inest, fructus autem non semper adsunt, sed suo tempore, hoc est in authumno humore ascendente, prodeunt: ita in homine Virtute prædito, ille habitus Virtutis, ut perpetuò insit, non tamen semper, sed data occasione foris in opere appareat; necesse est. Quod si quis verò occasionem negligat, statim non esse talis deprehenditur. Eadem omninò ratione, qua Arbor si authumno fructus non afferat: vel sylvestris vel infructuosa, vel certè omninò sicca esse cognoscitur, & sic ad nihilum valet, nisi ut excindatur, & in ignem mittatur. Bona autem arbor quæ secus decursus aquarum plantata est, semper suo tempore fructum proferat.

F I N I S.

POLITICA DECEM PRÆCEPTA.

Princeps Christianus, qṽi Rempublicam benè vult gubernare.

1. **I**N primis, Deum Opt. Max. præ oculis semper habeat, ab ipso consilium & auxilium petat, omnes suas actiones ad gloriã eius, & populi sibi commissi salutem ac utilitatem dirigat.
2. Præ omnibus alijs cogitationibus, eas maxime animo volvat, quæ sui muneris sunt propriæ. Crebras inquam consultationes incat, qua ratione Religio Catholica, ac boni Mores propagandi, qua Iustitiæ cursus dirigendus, qua Pax Populi sui, qua rerum Abundantia vigeant.
3. Ad Consilia, ceterosq; Magistratus, tam civiles quàm bellicos, Viros non sanguine claros, vel familiaritate charos, sed pios ac prudentes undecunq; conquisitos adhibeat. Avaritia, vel Igno-

De Politica

70

rantia notatos, amoveat, ac si res postulaverit, etiam supplicio plectat, probos contra beneficys afficiat.

4. Habeat tam in suis quàm in alienis, præsertim verò vicinioribus Provincijs, viros sagaces, eosque occultos, qui de omnibus rebus, quæ ibi sunt, eam censuram faciant. Suas autem deliberationes, ne intimis quidem, nisi quantum necessitas postulaverit, aperiatur. Ab omnibus, de ijs quæ publici sunt boni, libenter se admoneri patiatur.

5. Magnatum liberos, in sua curia numerat, in primis pietate bonisq; moribus, deinde belli pacisq; artibus non obiter inbuedos. Ut inde, tamquam ex ægido, quæ Trojanæ, ad omnia Reipublica munia, quæ obponenda, bene instructi prodeant.

6. Iustitia cursum præferat, sublati Processum ambagibus, Munera à tribunalibus recusat. Neque alia quacunque via, inferiores à potentioribus vexari patiatur. Bonas leges ferat, earumque severus custos esto.

7. Ea quæ ad Bellum sunt necessaria, semper in promptu habeat. Omnis Inventus sit conscripta, eaq; statis temporibus, bellicis indicibus veterantis belli ductoribus exerceatur. Arma omnis generis, multus Commeatus, Urbes & oppida munita sint.

8. Bona Deo dicata, ad prophanos usus, non patiatur converti. Sacerdotiaque, si quis perornatus sunt, non favore distribuatur, sed viris doctrina, ac magis pietate ornatis deferat.

9. Annone aliarumq; Rerum, quæ vel efferuntur, vel inferuntur, pro locorum & temporum conditione, præcia constituat, ei negotio certum Magistratum destinet. Mercaturam aliasq; artes, quibus populi ditantur, in suis Provinciis frequentari curet.

10. Vectigalia, aliosq; census ita moderetur, ne pauperiores præditioribus maiora onera sentiant, neque unà omnes simul plusquàm Reipub. necessarium sit, aggraventur. Ideoq; inutiles sumtus tollat, peculatus obicem ponat; rationes, datæ & accepti scriptis subducatur, ut hac ratione, ad omnes emergentes casus, præcipuè ad belli necessitates, thesaurum repositum habeat, &c.

F I N I S.

Correctore Ioanne Thulio Maria montano Tirolensi.



V E N E T I I S.

M D C X V I.

Ex Typographia Ambrosij Dei.

Superiorum permisso, & Privilegio.